

**BOSNA I HERCEGOVINA**  
**Agencija za razvoj visokog**  
**obrazovanja i osiguranje**  
**kvaliteta/kvalitete**  
**Banja Luka**



**БОСНА И ХЕРЦЕГОВИНА**  
**Агенција за развој високог**  
**образовања и обезбјеђивање**  
**квалитета**  
**Бања Лука**

*Agency for Development of Higher Education and Quality Assurance*

**Saopštenje sa 16. sjednice Upravnog odbora Agencije za razvoj visokog  
obrazovanja i osiguranje kvaliteta**

održane 19.03.2012. godine u Banjaluci

16. sjednica Upravnog odbora Agencije za razvoj visokog obrazovanja i osiguranje kvaliteta održana je 19. marta 2012. godine u Banjaluci.

Na sjednici kojom je predsjedavao predsjednik prof. dr. Mišo Kulić, članovi Upravnog odbora jednoglasno su usvojili Izvještaj o radu Agencije za period 01.01-31.12.2011. godine.

U uvodnom izlaganju direktor Agencije mr.sc. Husein Nanić istakao je da je u protekloj godini Agencija izradila prednacrt i obavila javne konsultacije o *Preporukama o kriterijima i standardima ministarstvu Republike Srpske, kantonalnim ministarstvima i Brčko distriktu BiH za osnivanje i zatvaranje visokoškolskih ustanova, te za prestrukturiranje studijskih programa, te Preporukama o kriterijima za licenciranje visokoškolskih ustanova i studijskih programa*, koje su dostavljene Upravnom odboru Agencije radi davanja saglasnosti. U izvršavanju nadležnosti koje se odnose na osiguranje kvaliteta u visokom obrazovanju, ključne aktivnosti u izvještajnom periodu odnosile su se na izradu i javne konsultacije o sljedeća tri dokumenta: *Odluka o normama kojima se utvrđuju minimalni standardi u oblasti visokog obrazovanja u Bosni i Hercegovini, Pravilnik o vođenju Državnog registra akreditiranih visokoškolskih ustanova u Bosni i Hercegovini, te Instrukcija o načinu usklađenosti rješenja o akreditaciji visokoškolskih ustanova s minimalnim standardima iz oblasti visokog obrazovanja i kriterijima za akreditaciju visokoškolskih ustanova u Bosni i Hercegovini*. Donošenjem ovih dokumenta, Agencija je završila legislativni okvir iz oblasti akreditacije iz svoje nadležnosti, zaključio je direktor Nanić.

Upravni odbor Agencije započeo je i raspravu o prijedlogu Programa rada Agencije za 2012. godinu koja će biti nastavljena na narednoj 17. sjednici zakazanoj za 23. april u Banjaluci.

Na 16. sjednici inaugurirani su novi članovi Upravnog odbora Agencije, prof. dr. Frano Ljubić i prof.dr. Muris Čičić.